

۱۸ محرم ۱۳۳۲

پنجشنبه

۵ کانون اول ۱۳۲۹

عدد — ۷۵

امور اداره و تحریریه و اعلانات و ساژره
ایچون مدیر مسئوله سراجت ایدملیدر.

عرفای امتک مقالات منصوفانه لرینه
جریده صوفیه تک صیفه لری
آچقیدر .

جریدای صوفیه

شیمدیلک هفته ده بر نشر اولنور .

نسخه سی ۴۰ پاره در

ابونه سی : بر سنه ک اعتباریه ممالک
عثمانیه ایچون ۴۰ آلتی آیلنی ۲۰ غموش
وممالک اجنبیه ایچون اون ایکی فراقدر

محل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیة در

وجود

۳۶

لاهوت و ناسوت

پرتبذ جگده نمازك فضائل و كالات عاليه سندن بحث ایدم : نمازستون
دین و طاری ، اسلام و تفرود . نماز ارکان خمسة اسلامیه نك ایکنجیسی
اولوب عبادتی جامعدر . جامعیتند ده حکم کل پیدا اولمازی ؟ حکم کلك
پیدا اولمی جمیع مقربات اعمالك فوئنده دگیدر ؟ سرور علمیانك دولت
رؤیت مظهری معراج و جنتده اولدیمی ؟ انسان یالكز ماده دن مرکب
اولدیمی ایچون معنأ غذا روحاً ذوق آزار بز روحزه غذا بولور ایسك
معنویاتمزی تشیط ایدرز و بوسورتله یالكز جسم و ماده دن عبارت ظن
ایندیكمز وجودمن معنأ روحآده اکتساب فیض و کمال ایش اولور .

انسان فطرۃ هوا و هوسه مجلیدر . روحنواز حالر جو غالدجه
معنویاتك غلبه سی تأمین ایدیله جکندن هوا و هوس انسان ی بوسبتون
اورئادن قالممازی ؟ [الصلوة معراج المؤمن] اوت صلات مؤمنك
معراجی اولور . وقت عروجده مصلتك کلیتله کثرت نظرندن مرتفع
اولمازی ؟ اسما و صفایده قالماز . احادیث مجرده نك غیر مشهودی
اولماز ، بدایت وقت رجوعده کثرت ، نظره یوز کوستریمی اولور .
[اقرب ما یكون العبد من الرب فی الصلوة] موجوداتك ککله تابعلری
اودولندن طولانی بونشده نمازدن حظ وافر دویدلر ، اکر نمازی
فرمان بیورمه یه ایدی مقصود حقیقتك چهره سندن تقاب کیم جکجک
و طالبی مطلوبه ایرشیرمه کیم دلالت ایدم جکدر .

خلاصه نماز لذت بخش ، غمکساران راحت ده بیماران در [ارحمی
بابلال] او حقیقتندن بر ، رمز و [قرۃ العین فی الصلوة] دخی بر اشارتدر
معراج بر نوع انتقال معنویدر ، وقت ادای صلانده ششده دیوی و اخروی
حاصل اولور . صوم ، ترك اكل و شرب دگیدر ؟ بونده صفت صمدیت
تحقق ایچورمی ؟ حقیقت کالات صلاتدن جناب حق اودشمن دینك
قلبنه برشمه احسان بیورمش اولسه ایدی نمازك رینه عقل وضع ایتمک
دکل بلکه ایهای صلات خصوصنده جهد و سعی بلیغ کوستردی ، تفویضات
و ترغیبات دینده بولنور ایدی . واسفا که زمان بزه نلر کوستردی .

چون ندیدند حقیقت ره افسانه زدند

بوسوزلرم اکثر خافه کران وافهای مشکلدر ، علم باطنیه به دأثر
ساحۃ مطبوعانده مباحثلر ، مناقشلر ، مکالملر کورمک ایسترم . بوقسه
حافظك دیدیکی کبی بنده (فریاد علی ابن همه اخر بر رز نیست) دیه جکم
کایور . حقایق لدنیه یی ایکی اوج علمی اخذ ایدلر اکلار . ابوهریره
رضی الله عنه حضرت فخر کاشاندن ایکی علم اخذ ایدیکنی امام ربانی
مکتوباننده بیان ایدیور . برنجیمی (نصر) دن باشلار دیله که میانزده

منتشر بر علمدر . ایکنجی علمی نشر ایدرسم بنم حاقومی کمرلر
بیوربیور ، علم ثانی ایسه علم اسراردر ، بونی هرکس فهم و ادراک ایدم
خلاصه الخلاصه دشمن حق دشمن پیامبردر . بر علم دها وار ایسه ده
اهلی اندر قبیلندندر ، هر حکم و تصرف شرعی عین خیر و صلاح و شایسته
ظلم و فساددن منز و مبرادر .

تعظیم و ترقیر شریعت محمدیه آثار اعتلائك رونما اولسنه سبب یکانه
دگیدر ؟ حضرت محمدك ارثه ابتدیی طریقك مداحی اولق بنم کبی
بر عبد پر قصیره يك اوزاقدر .

کر برتن من زبان شود هر موی يك شکروی از هزار نتوانم کرد

رب حضرت موسی صفت کلام ، رب حضرت عیسی صفت قدرت
و رب حضرت آدم صفت تکویندن عبارت دگیدر ؟ حضرت عیسی
غلبه جانب ولایتله حامل بار ولایت محمدی اولدیمی ؟ ارباب کالات
اونلرک علو درجاتی قیوسنده رومالدر . علم بالله واقف اولانلر بوکبی
حقایق فهم و ادراک خصوصنده دوچار مشکلات اولمازلر . بوقسه علم حیض
و نفاس ایله اکلشیلور معما دکادر . حضرت نوح و ابراهیم مبدأ تعین
اولوب صفت علم درلر . مبدأ تعین محمدیه عین صفتدر . تفاوت ، جهات
و اعتبارانده در . اوصفتك بروجهی طله دیکری معلومه دگیدر ؟ وجه
اولی وحدته ملائم اولدیغی کبی وجه ثانی سیده کثرت ایله اجمال و
تفصیلدر . هر برلری عظیم مبدأ تعین واقع اولمشدر . جانب زمینه نظرله
بوله مازسك ، سمایه اقبال ایله کوره مازسك عرش ، کرس بهشت دوزخده
دخی بوله مام بالله واردر ، هیچ تردد ایتم ، عالم امری طی ، مدارج
ظلال اسماء صفاتی قطع ایتمی ، ظهورات شتون و اعتباراندن کجملی بونجلیات
تجلیات زاندر . اوندن صکره اطمینان نفس حاصل اولور . بتون حقایق
شرعیه عرض دیدار ایدر . وای حایزه وای . بوسورتله اکتساب
ایدیله جک کالات حقیقیه به نسبتله کالات ظاهریه واهی ، دریای محیط
بی کرانده حکم قطره کبیدر .

قرآن حقیقتنده مرتبه عین جمیدن یعنی احادیث ذات تعالی و تقدسندندر .
احدیتندن مقصدم ذات احادیث مجرده دکادر ، چونکه اوراده هیچ
بصفت هیچ برشان ملخوظ و متصور اوله ماز . اودرگاه مقدسه به
نا اهل اقبال ایدم ، اوبارگاه سبحانی به استعدادی اولانلر قبول ایدیلور .
حقیقت قرآن صفت کلامدن ناشیدر . حقیقت کعبه ربانی تلویضات صفات
و شئوناندن اعلا بر مرتبه در حقیقت کعبه ربانی حقیقت قرآنیته نك
فوقنده اوله ماز ، برکسه بن کعبه به سجده ایدیور دیسه کافر اولور .
سجده طرف کعبه به ایدیلورده کعبه به ایدلر . صورت کعبه مسجود و صور
اشیاد . حقیقت کعبه دخی مسجود حقایق اشیا دگیدر ؟ آدم مسجود
مالائکک ایسه ده سجده آدمه دکل خافه اولوب مخلوقه دکادر . هرده صنوع
اونلک مخلوقیدر .

مهدیده انکار ایدیلور ایدی . بر ایکی اوج سوزده بو
بایده سوبلك ایسترم . حضرت مهدی زمانی سلطاننده دینی ترویج

ایده جملک واحیای سندن کری قالمه جقدر . بر شهر خلی که عمل بدعتی
اختیار ایتش و کندی فکر فاسد لرینه کوره قبیحی حسن تلقی ایدرک
دین لرینه بعض عقائد سخیفه الحاق ایتش لر در .

ایسته حضرت مهدی بو بوده کی معتقدات باطله نك موجد لرینك
رضاء الله اولدیرلمسی امر ایده جکدر . او قومك حسنه اعتقاد ایتدیکی
افعالك سیئه اولدیفی اووقت اکلاشله جق و ظهور مهدی ایله هدایت
حقیقه تحققی ایده جکدر .
مثنویخوان

عالمی

مکالم اخلاق

ذاتی شریف اولاق مطالب دیندن عاری اولور .
ارباب عقول ایله استشاره ایدن انوار عقول ایله ضیادار اولورق
پیش نظرند راه حقیقت منجلی اولور

وقایع کونیهدن عبرت المیان لوم و توبیخ ایلمده متأثر اولمز .
عواقب اموری تحت نظر و مراقبه سنده بولندیرن کسه مصائبین
سالم اولور . فیاض کریمك کندوسنه تقدیر ایتدیکی شیئه مظهر اوله جغه
اعتقاد نام ایله معتمد اولان البته مقدمه نائل و قلابی ده مستریج اولور .
حصول مطالبه بذل مجهود ایدن غایبه مرامنه واصل اولور .
تلاوت قرآن ایله مأنوس اولان کسه نك قلبنه سریان ایدن فیض
روحانی اتی مفارقت اخوان ایله حال وحشته قوبماز
کوچولک مصیبتلره صبر ایتیبوده شب شکایت ایتك مصایبک بیوکنه
مبتلا اولمسنه سبب اولور . فرصتی وقتندن تأخیر ایدن اتی فوت ایده جکندن
امین اولمیدر .

خفایای عیوبی تتبع ایدن فیاض مطلق مودات قابودن محروم ایدر .
اکل و شربنده طریق اعتداله سالک اولان صحت وجوده و سلامت
فکره مظهر اولور . رأیبرك هرجهنی تفحص و تدقیق ایدن مواقع خطایه
واقف اولور .

نامه اوفاق قصور لرینه باقیهرق مسامحه ایله معامله ایدن مستفید
و مسامت ایله رضا اظهار ایدن غوائلدن امین اولور
کندوسنه سوء معامله ایدنه احسان ایله معامله کوسترمک جمیع فضیلتی
نفسنده جمع ایتك کبی در . مدارس علمی تربید ایدن بیلابیکی اونونمز
ویلمدیکندن مستفید اولور

فیاض کریمه قارشو نوکل کوسترین کوچ ایشلری سهلته حل ایدر .
نفسنی بیان هر مرتفك غایبه واصل اولور
نفسنی تهذیب ایتیان عقلی ایله مستفید اوله مز .
وقوعندن اول مکایدن احتراز ایتیان کسه ایچون مکایدك هجومندن
مکره اسف بر فائده بی مفید اوله مز

طاعتمده اخلاص نیتی تقدیم ایتیان ثبوت ایله مظفر اوله مز .

سفیله ایله مجادله ایدنك عقلی یوقدر

اخلاق کوزل اولانك عجب چوق اولور نفوس کندوسیه انس والفت
حاصل ایدر . مقارنت ازادل علامت ادبار اولدیفی کبی تعجیل ثبوت دخی
علامات کرمنددر . ارزاق مقدمه سی جمع و تدارک توسلدن روگردان
اولقی کمال حاقنددر

نصایح ایله مستفید اولقی اکبر توفیق الهی در

ودایمه خیانت افحش خیانتدر

دوامک اجیسنه تحمل ایده میان کسه نك المی دائم اولور

سکا احتیاج کوسترین کسه نك اسعاف مطلبی واجب اولور

قلبنده وفا ساکن اولان کسه نك عذرندن انسان امین اولور

نفسنده محبت انواع اطعمه بی غرس ایدن کسه شهسز کونا کون
اسقام ثمرانی اجتنایدر . اصحاب فکر و ذکا ایچون هر شیده عبرت مندر جدر
انتهاز فرصت ایدن غصه دن امین اولور

دلائل واطحه دن عدول ایدن انکشاف حقیقه موفق اوله میرق
بوغولور قایلر

مقالات حکمای بذل مجهود ایله کشف ایدن انلرک حقایق ایله مستفید
و عقل و عرفانی مستنیر اولور

هر حالده غضب کوسترمکه استعجال جهالت طبعنددر

غریب الدیار اولانلری اعانه ایله تلطف ایتك بیوک کناهلرک کفارتیدر
فقیر اولان اضطرار حقیقی حس ایتک کزین ذل سؤالی ارتکاب ایتاملیدر
عالم اولان کسه اوزرینه توجه ایدن وظیفه مهمه کندوسنی زهد و تقوی
ایله محفوظ و مزین بولندیرمق و کالات علمیه سی طالب معرفت اولانلره
بذل ایتکدر

احوال دناکارانندن نژاته اعتنا کوسترمک تمام مروت عداولنور
فنا شیئی تحسین ایتك علائم خذلانددر

عهده وفا دلائل ایمانددر

انجاز وعد تمام مروندر

سوزی طوغری اولقی دلائل عقلنددر

اقوالنده طوغری اولقی افعالنده رفق و ملایمت کوسترمک اقبال
علامت لرنددر . انسان نفسنده نواقص و نقایصی تحری ایله تهذیب ذاتیسنه
اقدام و اهتمام کوسترمک کالدن عداولنور

کثرت تلون علامت حمقددر

بلاییه صبر ایتك اخلاق حسنه دن عداولنور

اشراره مدارا ایتك مجبور اولقی اخیارک اعظم مصایب عداولنور
طاعته مسارعت فضیلت نفسدن و طاعته ملازمت عزت نفسدن
عد اولنور

رای صوابك و راه حقیقتك ظهورینه مشاوره قدر هیچ برشی
خدمت ایده مز . مدارس و مذاکره علم علمانك لذتی و مجاهده نفس ایسه
نفیل اولانلرک شیئه مرغوبه سیدر . کریمك منی لثیمك بذلندن احسندر